

Kata Pengalo – Ngalo Ras Momo

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanan gerejanta ku bas wari-wari si reh enda ([Ngogeken Momo](#)).

Kata Penaruh

=====

Minggu enda igelari Minggu Jubilate, eme Minggu si mabai kita ersurak erkiteken kemenangan si enggo isehken Tuhan Jesus Kristus man banta arah kekekenNa. Minggu si mabai kita guna ermeriah ukur erkiteken IA si enggo mulahi kita i bas erbagebage kesusahen si enggo sibentasi. Pembebasen sinilakokenNa labo erkiteken kiniulinta, tapi erkiteken keleng ateNa banta. Sipesikap dage ukurta, radu kita ersembah ras ngataken bujur man baNa si enggo mbebasken kita. Ersuraklah, haleluya.

Erkata Lonceng

(Perp. Tedis)

Rende

KEE No. 491 : 1, 2, 3

(Serayan Kebaktin Bengket Ku Mimbar)

Kebaktin Minggu, 26 April 2026
Minggu Jubilate : Ersuraklah

3	Votum – Salam <i>(Perp. Tedis)</i>
L	I bas gelar Dibata Bapa si nepa doni enda ras kerina isina, i bas gelar Jesus Kristus si enggo mulahi kita, i bas kuasa dosa ras perbeben nari ras i bas gelar Kesah Si Badia si nampati ras ngapuli manusia. Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah Si Badia ras kita kerina gelah, Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Ersuraklah man TUHAN, o pertibi kerina. Nembahlah man TUHAN alu ukur meriah, dahilah ku adep-adepenNa janah rende meriah” (Masmur 100 : 1b - 2). Erpalasken Kata Dibata enda, sipuji IA alu ngendeken : KEE No. 399 : 1, 2, 3
5	Kinata Kegeluhen Manusia <i>(Perp. Kundul)</i>
L	Turang ras senina, bagi Tuhan enggo mulahi bangsa Israel i Mesir nari, jenari itegu-teguNa seh ku Jerusalem. Labo itimai Dibata manusia ngasup mulahi bana i bas iketen kesusahen nari, tapi leben IA nampati ope denga manusia beluh nampati bana.
P	Tuhu mehuli kal Kam O Tuhan, igejabken kami penampatNdu i bas kekoten kami.
L	Adi itatap Dibata kempak kegeluhen manusia si enggo ikelengiNa, kegeluhen si kuga nge genduari idapeti Dibata i bas dirinta ? <i>(Paksa Teneng)</i>
L	Marilah siakuken salah dosanta i adap-adapen Dibata.
P	Ngaku kami O Tuhan, megati kal mberat akap kami ngalaken perbeben, erkiteken lupa kami nandangi janji ras keleng ateNdu.

L	<p>Megati pe ernalem kami man gegeh ras pemeteh kami. O Tuhan alemi kal kami.</p> <p>Mari dage sipindo perkuah ate Dibata arah ende-endenta : KEE No. 436 : 1, 2, 3</p>
6	<p>Padan Dibata Guna Petetap Ukur I Bas Perbeben (<i>Perp. Tedis</i>)</p>
L	<p><i>“Ketuahen kalak si erceda ate erkiteken dosa; sabap Dibata me ngapuli ia. Ketuahen kalak si meteruk ukurna; sabap isehken Dibata me padanNa man bana”</i> (Matius 5 : 4 – 5).</p> <p>Sipuji Tuhan i bas keleng ateNa si mbebasken kita, arah ende-endenta : KEE No. 184 : 1, 2, 3</p>
7	<p>Kata Dibata (<i>Perp. Kundul</i>)</p>
<p>a</p> <p>3:18</p> <p>L</p> <p>3:19</p> <p>P</p> <p>3:20</p> <p>L</p> <p>3:21</p> <p>P</p>	<p>Marilah sibegiken Kata Dibata bagin si pemena ibuat ibas Kitab Johanes 3 : 18 - 21. Mari siogeken secara pegancih. Sibenaken pengogenta ...</p> <p>Ise tek man Anak Dibata e la iukum; tapi ise la tek, enggo kena ukumen, sabap la ia tek man Anak Dibata si Tonggal.</p> <p>Ukumen e: Terang enggo reh ku doni enda, tapi ngenan ate manusia si gelap e asa terang, sabap jahat perbahanenna.</p> <p>Sabap kalak jahat la atena ngena terang e, dingen la ia nggit ku terang e gelah ola teridah perbahanenna si jahat e.</p> <p>Tapi kalak si ndalanken si ngena ate Dibata reh ia ku terang e, gelah i je teridah maka kai si ibahanna e sue ras kai si ngena ate Dibata.”</p>
	<p>Ketuahen kalak si megiken kata Dibata, dingen si makekenca i bas geluhna si teptep wari, Haleluya.</p> <p>Ialoi perpulungen alu ngendeken :</p> <p><i>Haleluya Haleluya Haleluya</i></p>

b	Ertoto guna Khotbah
c	Khotbah : Masmur 65 : 1 - 9. Tema : “Ersurak Erkiteken Perbahanen Dibata ”
d	Ertoto kenca khotbah
8	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
9	Persembahen <i>(Perp. Kundul)</i>
L	<p>Ersikap kita guna nehken persembahen pengataken bujurta man Dibata, janah sibegiken Kata Dibata kerna persembahenta : <i>“Nembahlah man TUHAN alu ukur meriah, dahilah ku adep-adepenNa janah rende meriah” (Masmur 100 : 2).</i></p> <p>Tupung sisehken persembahen ras kita rende : KEE No. 343 : 1, 2, 3</p> <p>Pertoton Persembahen ras Syafaat</p>
10	Perpadanen Man Dibata <i>(Perp. Tedis)</i>
L	Tuhan enggo mbebasken manusia i bas iketen perbeben nari. IdiloNa kita gelah tetap njaga kemerdekaan si enggo ijujurkenNa.
P	O Tuhan, tetap ateku nginget keleng ateNdu. Ersurak me aku

	naksiken kinimbisanNdu.
L	Tuhan tetap setia njagai kegeluhen anak-anakNa, IA negu dingen encukupi keperluan geluh kalak si erkemalangen man baNa.
P	Erpadan aku Tuhan, kujaga me kinitekenku gelah tetap enteguh. La nai aru ateku kerna kegeluhen enda.
L	Mari sipuji Tuhan i bas keleng ate ras kesetianNa man banta, arah ende-enda : KEE No. 274 : 1, 2
11	Pertoton Tuhan
12	Pengutusan Ras Pasu-Pasu Dibata
L	“Berkatlah alu mejuah-juah janah saksikenlah pembebasen si enggo ialokenndu i bas Dibata nari”, jenari alokenlah pasu-pasuNa : <i>“Ipasu-pasu janah ikawali Dibata kam. Siang ayo Dibata ersinalsal ibabondu, janah melias ateNa ngenehen kam. Itatap Dibata ku kam janah malem atendu ibahanNa”</i> Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>